

**Kurzer warhaffter vñ
Grundtlicher Bericht / von der Päp-
stischen Conspiration vnd Bändnuß / auch
derselbigen jetzigen Kriegserpedition in Frank-
rych vnd Brabandt sampt des-
ren vrsachen.**

**Zu Christlicher Getrüwer Warnung
der Frommen Tütschen / So sich des wegen
in dienst vnd bestallung vmb geringes zergengliches
guts vnd gelts willen begebend
vnd inlassend.**


**Denselbigen zu gutem in Tütsche sprach vertolmet
schet / vnd zum nütwen jar gescheneckt / c.**

Actonum Cap. I X.

**Saul / Saul / Was verfolgest du mich? Er
aber sprach / Herr / Wer bist Du? Der Herr
sprach. Ich bin Jesus den
du verfolgest.**

Anno 1568.

RR





Nach dem sonder zweyfel als
 len vnd jeglichen Ehrliebenden
 Tütschen ganz vnuerborgen / dieselben
 sich auch noch wol zuerinneren habend / Wie nun ein
 lange zeit / beuorab sidt jüngst verfllossenem 61. vnd
 nachfolgenden jar hero für innerliche vnd sonderbare

Kriegsübungen sich in der Lößlichen Kron Franckrych auch den Niderlan-
 den ereugt vnd nit ohn sonders mercklich vnd Christlichen Blutuergießen für-
 gangen. Welches alles seine vrsach vnd anfang daher gehet / das die gut-
 herzige fromme Christen Hochs vnd Nideren standts bey dem einmal erkant-
 ten reinen lehr des Heiligen Euangeliums vnd worts Gottes / deren bekant-
 nuß vnd vbung / durch den Papst zu Rom / vnd seine vßgespante glieder nit ge-
 lassen werden wollen / Sonder dieselbigen alle vnd iedliche für ihre Personen
 auch zum theil mit Weib vnd Kinderen leib hab vnd gut durchchecktet / vffs vß-
 serist verfolget / vnd deren ein vnzalbare antal Tyrannischer vnd vnnenschli-
 cher weiß ermordet vnd hingerichtet worden sindt.

Daruff dann eins theils solcher betrübten vnd hefftig angefochtner Chris-
 ten / sonderlich aber in obgedachter Kron Franckrych die Natürliche erlauchte
 defension gemelter ihrer leib / Ehr / gut / Weib vnd Kinder nottänglich an die
 händt genommen.

Vff welches erfolget / das nach hin vnd wider fürgelauften sachen / auch
 scheinbarlichen erzeigten vrtheil Gottes / obangeregte Kriegsübungen sich Wi-
 derumb fridlich gestilt / vnd darüber jeglichs mats sonderbare Pacifications
 Edicten vffgericht vnd zu halten aller seits höchlich bedürft worden / deren sich
 auch bemelte betrübte Christen zuerfröwen vnd zugenießen gerüstet handt.

Vnd aber jezundt leider abermal in mehgedachter Kron Franckrych zu-
 wider der selbigen Pacification Edicten sich solliche vnruwen je lenger je be-
 schwerlicher anlassende / darab sich billich ein jeder deren ding vnbeantwer-
 ren vrsachen zu verwunderen / etc.

So ist dises hernach gemelt / sonders fleißes wol zu mercken / in dem ban-
 ein jeder vßrechter Tütscher Kriegsman / so sich her zu hat bestellen lassen an-
 derst nichts / dan was ihme die Kundliche erfahrung gibt / vnd sein eigen ge-
 wissen bey sich tragendts hertz vñ gewönnen selber sagt / mit ernst zubetrachten.

Das nemlichen wie hoch vnd fleißig man biß anher die Conspiration
 vñ bündtnuß so zwischen dem Papst zu Rom / dem König zu Hispanien / auch
 Franckrych vnd andern ihrem anhang kurz verruckter zeit zu vßrütung vnd
 vertilgung der wahren Christlichen Religion vnd dagegen zu pflanzung vnd
 bestätung der Antichristlichen Päpstlichen abgötterey vnd Tyranny zu Bas-
 lona vffgericht / vnd newlich zu Paris den dritten Septembris erneuert vnd
 Confirmieret / verneinen vnd verbergen hat wollen. So ist sie jedoch jezunder
 vß sonderbarer vorsehung vnd gütte Gottes so scheinbarlich vnd offenbar an-

3
Sag/ Das nun mehr keiner er sey so einfeltig oder so hart verblent er selber wolle
Dar an einigen zweiffel mehr haben soll kan oder mag.

Und sollich vñ nachfolgenden vnd anderen mehrern vrsachen.

Erstlichen Ob wol obgedachtes Bapsts mit seiner bundts genossen
heimliche Praticken/ so sie ihr böses vorhaben desto besser zu volnfären ein zeit
lang (Wie in solchen fällen die feinde Gottes vnd der Warheit pflegen, die
ses auch des Sathans lang geübte Regel ist) mit dem Titel einer Rebel
lion vnd ungehorsams/ vermenteln wollen/ durch vilfältige ihre Mordthätige
Tyrannische handlungen in Italia Franckrych vnd Niederlandt/ öffentlich ges
augsam entdeckt worden. Deren jämmerliche vnd vnerhörte Exempla zuer zeiten
ganz entsetzlich/ auch alle abscheid verträge vnd Fridts handlungen so verschis
ner auch zum theil in diesem Aecht vnd sechzigsten iar vff verlauffne Kriegsents
pörungen in Franckrych erfolget solchs dülich vñ wissendt.

So ist es doch leglich vnd eben jetziger zeit dahin gerathen/ das sie nun
mehr irer bündnussen vnd blutdürstigen anschlags so gar kein scheuch tragend/
das nit allein der Bapst mit seinem offnen Bullen/ Botschafften/ auch dar
freckung leuch/ gelts vñ guts so vil ime vffzupringen möglich/ alle Mässische
vñ ländische Potentaten vnd Herren mit höchstem ernst thut vermanen vnd an
stiften/ Das sie alle Käzer (Dem so nennend sie die wahren Christen) in
allen Königrichen vnd Landen/ mit dem schwert gänzlich vñ rüten vnd keinen
leben lassen. Wie dann er solchs für sich selbst in Italia vnd allen seinen ge
bieten mit vor vnerhörter Tyranny verrichtet.

Dergleichen hat der König in Franckrych vñ anstiftung seines Lande
berderbers des Cardinals von Lothringen / vnd andere seines gleichen neulich
her zeit zwen Edict vñ Mandata in nechstem Monat Septembri öffentlich
vñ zuan/ vnd im ganzen Königrich publicieren lassen/ Darinnen er alle andere
Religion vñserhalb der Bapstischen Römischen abgeschafft vnd vertilgt ha
ben will.

Bezeugt darben öffentlich vñ vnwidersprechlich was er verloffener zeit
für Freyheiten die Reformirte Euangelische Religion zu vben bewilliget / vnd
den Fridts handlungen durch offene Mandata inuerleibt/ das sey allein vñ noch
geschehen/ Auch nie bedacht gewesen solche lenger zuhalten/ Dann biß er jetzige
macht (Wie er vermeint) erlanget dieselben zu Casirn / vnd andere dagegen
in dero Statt zu vñrütung berürter Reformirten Religion vñsurichten.

Wie solchs dann jetzt beschehen/ Vnd die Königlich Würden in der
Person selbst/ nach dem sie in irem Rön. Ornat vnd Habitu mit höchstem ge
preng sambt allen Pfaffen Mönchen vnd Sözen in der Stadt Paris in einer
Procession in bemeltem Septembri dis iars vmbhergezogen sich vff den Pala
last verfüget/ vnd mit eignen händen die vorigen Pacifications Edicten (dar
in die Euangelische Religion in der Kron Franckrych frey gelassen) daselbst
ins Feuer geworffen verbrant vnd vñgehoben hat.

Damit sie vor Gott vnd der welt bezüget für sich vnd ire vnderthanen/
kein andere dan allein dis Mässische abgöttische Religion zu dulden/ vnd das

4
gegen die wahre Christliche Religion nach vfferstem irem vermögen vß zu
ten vnd zu vertilgen.

Was dann daruff zu noch mehrer bestätigung solches fürhabens an an
dere Potentaten/auch etliche Papistische Teutscher Nation/ vmb gelt Rüter
vnd knecht für werbungen beschehen/sambt was berürt vom Babst auch vff
desselben bewegung/ von etlichen Italianischen Fürsten Stetten vnd Stenden
für ansehnliche summa gelts hier zu Contribuieret vnd zugeschossen/ das lasse
sich jetzt im werck sehen/vnd ist vilen kundbar.

So weisens auch die bestellungen so de geworbenen Teutschen Kriegs
volck vffgericht vß/in deren eins theils nit allein die ware Christliche Religion
obberärter gestalt anzusechten nit vßgenommen/ Sonder auch darin vßeruck
lichen versehen/das sich berürt Teutsch Kriegsvolck an solcher Expedition we
der des heiligen Rychs Cammergericht/nach die pflicht damit ein jeder sein
Lehenherren beeidigt vnd verwandt ist/nit iren noch abhalten lassen sollend.

Wie nun der König zu Hispanien gegen solche ware Christliche Reli
gion sich zugebarn durch den Babst vnd seine Inquisitores angereizt/ dz gibe
das Exempel was mit seinem einigen Sohne dises jars fürgegangen/vnd das
desselben herunder nit verschonet werden/genugsam zuuerstehen. Sit weisse
wie bemelte Inquisitores irer Kön. Wir den selbst auch herunder noch ver
ner zusehen.

Sampt das dem Duc de Alua als Obristen Leutenamt vnd Statthalter
in den Niderlanden volle macht vñ gewalt geben keines Standts noch
alters auch des vnschuldigen Kinds in Mutterleib nit zuerschonen/solche Re
ligion so vil mehr zu vertilgen/Wie trülich auch er solchem beselch nachsetzt/ dz
klagen auch die Papisten selbst in Niderlanden/welche ir lebenjemmerlich ver
lieren müssen/wo sie nun seuffzen/wann ihre fründt vnd Blügverwandten der
Religion halben gemartert vnd grülich getödtet werdend/ Als dz vß den ge
stelten erschrecklichen Spanischer Inquisition vnd anderen Newen Mässa
schen glaubens Artickeln erscheinet.

Zu dem ist ganz vnuerborgen mit was ämfigent ernst der Babst bey ge
dachten König zu Hispanien treibt vnd anhalt/ das er fürderlich vnd so vil
möglich noch disen Winter in der Person naher Italien/vnd da dannen/mit
einem so ansehnlichen vnzalbarn hauffen Kriegsvolcks/dem menschlicher weiß
kein widerstandt zu thun seye / durch Teutschlandt naher Brabant begeben
solle/derenden vnd vnderwegen sollich fürhaben ebenmässig zu Prosequieren.
Wie das zu befürderung eins sollich bereit/ein merckliche anzahl Teutschen vnd
Italianischen Kriegsvolcks zu Ross vnd Fuß in bestellung vnd werbung/ zu
der vnderhaltung dann auch schon merckliche gelt sum Contribuieret sein solle.

Wann nun seher zelte vrsachen alle im grunde dermassen geschaffen vnd
im werck erweisen/Vnd also gemelte drey gewaltige fürnemme Potentaten vñ
Feinde der wahren Christlichen Religion mit iren Bundtsgenossen/ alle ihre
gedanken/Ratschlag/macht vnd gewalt samentlich mit guter Correspondenz
dahin richtend/vnd wendend / damit alle vnd jede Religion so der Römischen
Papstlichen zu wider/ nit allein in iren Landen/ sonder auch durch die ganze

Wahre Christenheit / Tuth ihrer Confederation vnd dreuwort bekräftiget vnd vff
gerüet / vñ dargegen der Antichristliche Stul zu Rom mit der Tütschen / als
des Babstums ersten vñ schedlichsten feinden / eigenem blüt wider vnderstüzt
vnd vffgericht werde.

So hat ein jeder Ehrlicher frommer Kriegsmann vnd liebhaber seines
Edlen Vatterlandts vnd der Euangelischen Religion / so er in seinem gewis
sen für recht erkennen vnd halten muß / wol vff die schanz acht zu haben / vnd sei
ne bestallung zuerwegen / welchem Herren er diene / vñ was künfftig durch sol
chen seinen dienst dem Vatterlandt Tütscher Nation / eignen Weib vnd Kin
den / Elteren / Blütsfründen vñ verwandten für verderben vnd schaden leicht
lich könne erfolgen. Weil obgedachte Bndtgenossen die streitbare Teütsche
Nation vff andere weg nit zuschwechen vnd vnderzutrucken wüßendt / Darn
da sie Tütsch blüt mit Tütschem vergiessen möchten.

Vnd were zuwünschen das ein jeder Kriegsmann die getrüw warnung
so Weilandt der Gottselig vnd Teure Mann D. Martin Luther seliger ge
dechnuß verschienet ihare / an seine lieben Teütschen im Truck vffgan lassen /
Welches hernacher in Anno / 1546. widerumb nachgetruckt. Daruß er mit
mehrern vmbstenden befinden / was sein Befelch vnd verrichtung bey diser Ex
pedition sampt der besoldung sein wirt.

Dann wañ du lieber Kriegsmann dein bestallung recht ansehen / wirt
best du befinden / das du alles jenig mit erequieren helffen müßest / was die ob
berürte sängst vffgangne vnd in Tütscher sprach nachgetruckte zwey Edicten
vermögen / durch welche alle predigten / Christliche versamlungen vnd vbung
der wahren Religion ganz vnd gar bey leibs vnd lebens straff / sampt den jens
gen so derselben zugethan vnd in ämptern abgeschafft seyen / 1c.

Du mußt dagegen allein die Bapstliche Abgötterey mit ihrer offer
Mäß Jarmerkten vnd betriegerey allein zuerhalten / helffen vffrichten.

Du mußt so vil trefflicher Gottseliger Fürsten Grafen / Herren / vil Tu
sent Ehrlicher vom Adel / vñ vñalbare andere redliche Christen Mann / mit
Weib vnd Kindern / deren hochbegangne mishandlung vnd vngütlich zuge
mäñne Rebellion einzig dieses ist / das sie allein den lieben Gott vnd sein heilig
ges wort recht erkennen lehren / vñnd bekennen / Sonsten aber in allem zeitlichen
ihrem König mit leib blüt vnd gut allen vffersten gehorsam trülich leisten wol
ken) mit jezigem dein dienst helffen verfolgen.

Du müßt alles das jenig helffen Cassieren abthun vñ vernichten / darvñ
so vil redlicher dapfferer Teütschen Helden mit hilfflichem vñnd wärectlichem
Tuthun etlicher Christlicher Tütscher Churfürsten Fürsten vñnd Stende nun
etlich jar hero vñ Gottseligem Eifer gestritten / Dasselbig auch durch Göt
lichen beystande / vnd getrewem ernst mit rhum erhalten vñnd vffrichten hel
fen haben.

Du mußt auch mit diser vertilgung der wahren Euangelischen Religio
n nit allein den zorn vnd straffen Gottes / Sonder auch alle Christliche Potent
aten / Kaiser / König / Chur vnd Fürsten / vñ andere Rychs Stende so solcher
Religion

6
Religion sindt/als mehreren theils deine Landts vnd Lehensherren/mit der
heitlichen straffen / sambt den nechsten blutsverwandten vff dich laden / darfür
jetzige Bapstliche Buntsverwandten vnd Herren dich künfftig keins wegs
werden retten noch beschirmen wollen oder können.

Du must holtz/kolen vnd wasser zu tragen zu dem Blutbadt/Welches
so vil hundert tausend armer Christen ist zugericht vnd vbergehenct.

Du must dein Pferd vnd Wagen darinn ins feldt farn/vnserm Heys
landt Christo vnder augen ja in den Augapffel zu rennen / in dem das du seine
gliedmaß dergestalt vnbrüderlichen ayren hilffest.

Du must dein schwerdt vnd spieß dahin wezen vnd die Büchssen dar zu
laden/den lieben Johannem hnenhaubten/Bartholomeum zu schinden/Seba
stianum zu schiessen vnd Laurentium zubraten/ze. Ja das noch schröcklicher
vnd vber Herodische Tyrannen ist / die zukünfftige gedechtnuß Christi/ an dein
Kindern in Mutterleib zu vertilgen.

Du must jetzt den wege helffen machen vnd raumen/daruff künfftigen
jars die Spanier/Italianer vnd ihre genossen/ein gleichmessigs blutbadt in
Türschlandt anrichten/ Welche dir als dann ebner gestalt deine lieben Eltes
ren Weib Kinder vnd befreundte für deinen augen sehenden/lestern/ vnd dich
mit ihnen jemerlichen verderben vnd ihres gefallens hausen sollen.

Du must jetzt die sachen so weit helffen arbeiten vñ bringen/Das hernach
her Kaiser/ König Chur vnd Fürsten des heiligen Rychs vnd dessen genachs
parte wider dahin genötigt werden möchten/Dem leidigen Pabst seine verhäte
te stinckende Füß zu küssen/ vnd sich vnder desselben verflachten gehorsam zu be
geben/dessen sie nun vil jar hero durch Göttliche verlyhung entladē gewesen/
Welches doch der liebe Gott Allmechtiglich wol verhäte/hingegen aber dar
uß dises leichtlich erweckt werdē mage/dz gedachte Religiös verwante Sten
de sich darwider zu erlaupter gepürlicher defension in gleiche bündtnuß begehē
vnd gefast machen/so fürther besorglich mit geringes mißerawen vnd weitte
rung verursachen möchte.

In summa du must helffen Christi wort vnd sein ewiges Rych herstö
ren/vnd dessen angedechtnuß genzlich vñräten vnd vertilgen / dagegen dem
Babst ja dem Sathan selbst sein Rych wider auffbauen betwachen vnd be
schützen/Wie du dann auch in disem ganzen Kriege / wider kein andere/dann
des Bapstes Feindt vñ die Fründt vñ bekemmer Christi zu stryten haben wirst.

Was nun zu ein solchen treffentlichen dienst für merckliche besoldung
gehörig/vñ gewißlich erfolgen / wirt ein jeder leichtlich selbst können vñrechnē/
so er auch in obangezognem des herrn Lutheri seeligen büchlin zusam verfa
set zubefinden.

Dann ob du gleich in den gedanken vnd hoffnung stast/Den Franzosia
schen Kronenbaum helffen zu schütteln. So ist doch zum selbigē etliche jüngste
jar hero solche genge walfart gericht gewesen/ das er jedes jars schwerlich sein
fruchte fort vnd zu Kresten bringen mögen/Also das du dich zu gleich andern
mit Placaten vnd brieffen wirst ab vnd heim weisen lassen müssen.

Du hast aber in solchem schütteln des Kronenbaums/ wol ober sich v
zu sehen

Zu sehen / das dir der zorn Gottes / zeitliche straff end ewige verdammnis / d
grosser Mühlstein schwere gerade vnd gewiß vff dein Kopff zu ewigem vnd
zeitlichem verderben fallen werden.

Vnd da du schon villicht dir selb fürsetzen mchtst / dich deren dingem
zuentschütten vnd zu den obbemelten sachen für dein Person nit gebrauchen zu
lassen. So wirt man doch solche wege wol finden / das ihr die Teutschen von
einander verteilet / vnd mit solchen anzalen anderer Nationen vmbgeben vnd
wie ein gefangner Vogel als dann dem Vogler seinen gesang singen / Vnd als
so der gestalt erfahren werden müssen / Was da sey des heiligen Ruchs Cam
mergericht / vnd eweren lehenherrn gethane Eydt vnd pflichten in Wundt zu
schlagen / vnd in bestellungen vñziehen zulassen /c.

Der gütig Gott gebe das dise kurze warnung anderst nit / dann wie sie
trülichen gemeint verstanden vnd vñgenommen / wirdt die gewislich manchen
dapffern Helden vnd redlichen Teutschen Kriegsmañ vor künfftigem verwiß
vnfall / vnd spater Nütze wol bewaren. Dar zu inen von demselben getruwen
Gott ein zugeneigtes Christliches hertz / gemüt / gedanken vnd ges
horsame volge zu einem guten Nützen / ar
hiemit gewünschet sye / Amen.

Psalm. 60. 118. vnd 146.

Hilff vns O Gott in der noth. Dann
Menschen hilff ist khein nüt.
Mit Gott wollen wir dapffer handeln.
Vnd er wirdt vnser feinde zertretten.



Faint, illegible text, possibly bleed-through from the reverse side of the page.



208/775

GOS VLT 06815

